

Durdona ELIYEVA

**ONAMGA O'XSHAYSAN
VATAN**

She'rlar

Qarshi
«Qashqadaryo ko'zgusi OAV»
2015

UO'K: 821.512.133-1

KBK: 84(50)7

E46

Eliyeva Durdona

«Onamga o'xshaysan vatan» [matn]: she'rlar/ D.Eliyeva.-Qarshi:

«Qashqadaryo ko'zgusi OAV», 2015-yil-24 bet.

KBK:84(50)7

Durdona Eliyeva endigina she'riyat bo'stoniga qadam qo'ygan yoshlardan. Uning ushbu kitobidan joy olgan she'rlari sodda va ravon tilda yozilgan bo'lib, ularda vatan, ona-yurt, mahalla va oilaga bolalarga xos bo'lgan mehr-muhabbat mahorat bilan qalamga olingan.

Yosh ijodkor she'riyatga ishtiyoq bilan yondashib kelayapti. Bunga o'zingiz kitobni o'qib amin bo'lasiz.

ISBN 978-9943-4245-3-1

JUBURIY NUSXA

ISBN 978-9943-4245-3-1

©Eliyeva Durdona, 2015-yil.

©“Qashqadaryo ko'zgusi OAV” nashriyoti, 2015-yil.

20/26/11

A430

Alisher Navoiy
nomidagi
O'zbekiston MK

So'z boshi

Eliyeva Durdona Ibodullo qizi maktabimizning 8 – sinf o'quvchisi.

Eliyeva Durdona Ibodullo qizi o'zining iqtidori, fanlarga qiziqishi, ahloqi bilan ajralib turadi. Durdona amaliy mehnatni sevadi. Adabiyotga qiziqishi katta. Eliyeva Durdona o'z muomala madaniyati bilan tengdoshlari orasida hurmat – e'tibor qozongan. Barcha fanlarga qiziqadi. Ustoz va murabbiylarining topshiriqlarini o'z vaqtida bajarib boradi. Durdona aqlli, faol o'quvchilarimizdandan biri bo'lib hisoblanadi. Maktabda o'tkaziladigan turli tadbirlarda qatnashib o'z mahoratini namoyish etadi.

O'ylaymizki, Durdona kelajakda o'z ustida tinimsiz ishlaydi va she'riyat yo'nalishida astoydil harakat qiladi.

Elieva Durdona Ibodullo qizi!

Bugun sen katta ijod yo'lida turibsan. Sening ushbu she'riyat yo'nalishidagi ijodingga, izlanishingga, tinimsiz qilayotgan mehnating debochasiga omad tilayman. Yanada mazmunli, mohiyatli, qalbing to'ridan joy olgan dildagi go'zal she'riyat guldastalari yaratishingni istayman.

Doim xalqimiz e'zozida bo'lib yurgin!

N.JAFAROVA.

Qarshi shahar 5 – umumiy o'rta ta'lim maktabning
ona tili va adabiyoti fani o'qituvchisi

YAGONAMSAN, JONIM - O'ZBEKISTONIM!

Bobolarim aytgan o'git dilimda,
Mehrim-muhabbatim senga ko'nglimda,
Yashaysan o'zimda, aytgan so'zimda,
Yagonamsan, jonim - O'zbekistonim!

Onamday mehribon nurjahonimsan,
Otamday buyugim suyanch tog'imsan,
Ukalarim kabi ko'rkam bog'imsan,
Betakrorsan, jonim - O'zbekistonim.

Seni dunyo ichra tanho atayman,
Baxtli kunlar bilan ming bor qutlayman,
Bag'ringda bahordek, guldek yashnayman,
Muqaddassan, jonim - O'zbekistonim.

CHIROYISAN MAHALLOT

Shahrimizni sen ko'rki
Chiroyisan Mahallot.
Unda yashar ibratli
Oila, sog'lom avlod.
Ko'chalari top-toza
Olmazor-u lolazor,
Tarifga ojiz so'za
Barcha tarafi gulzor.
Baland-baland uylarda
Baland orzu yashaydi.
Keksalar bosh to'ylarda
Duo qilib tinmaydi.
Mahallamizni ko'rki
To'yxona-yu choyxona
Qashqadaryo elida
Mahollotim yagona.
Mahollotning maktabi
Bizga bilim beradi.
Issiq yurtim oftobi
Charaqlaydi, kuladi.
Mahallamiz shunaqa
Faol, ildam jonkuyar.
Go'zal bo'lib yanada
Chiroyga chiroy qo'shar.

MAHALLAM

Mehrlar ulg'ayar sening bog'ingda
Jannatdek bog'laring yashnar qalbingda
Farzandlar ulg'ayar sening sevgingda
Mahallot, mahallam mening faxrimsan.
Mehmondo'st odamlar yashaydi senda.
Urf - odatlar singib ketgan qon-qonga
Oqibatli inson o'xshar osmonga
Mahallot, mahallam mening faxrimsan.
Mahallam, sen menga onamdek aziz
Otamdek mehribon, juda yaqin do'st.
Mahallangiz seving barcha o'g'il-qiz
Mahallot mahallam mening baxtimsan.

O'ZBEKISTONGA

Yaxshi o'qib yaxshi inson bo'laman,
Osmonlarda quyosh kabi kulaman,
Faqat yurtim uchun xizmat qilaman,
Keragim bo'ladi O'zbekistonga.

Ota-onam meni duo qilarlar,
Doimo madadkorim bo'larlar,
Shu yurt uchun yashagayman bilarlar,
Keragim bo'ladi O'zbekistonga.

QIZINGIZ

O'najonim sizga tashakkur
Qizingizni orzusi bordir.
Qo'llarida qog'oz va qalam
Yozganlari u uchun ordir.
Shamol kabi uchib har tomon
Vatanimni kuylayman har on.
Nodiradek bo'lgum ijodkor
Poyimga gul sochadi jahon.
Osmonlarda oy bo'lib yulduz
Yurtim faxri bo'larman so'zsiz.
Onajonim duolar qiling
Zo'r shoira bo'lar qizingiz.

ALVIDO DUNYO, DEMAYMAN

Mayli sinasin sinovlar,
Yurakni yoqsin olovlar,
Hech qachon yengilmayman,
Alvido dunyo demayman.

Oyog'imga kirsin tikon,
Bor yukini ortsin osmon,
Hech qachon yengilmayman,
Alvido dunyo demayman.

O'zbekim erka qiziman,
Istiqlolning yulduziman,
Mardona bo'lib yashayman
Alvido dunyo demayman.

ONA QADRI

Ey ona qadrini bilmagan nodon
O'ylama gunohim unutilar deb.
Dunyoga ustunmas hech bitta inson
Yasha onalarni qadrini bilib.
Sen onang qalbini og'ritgan kunlar
Uning umri uchun bo'lmoqda tunlar.
Ko'zidan yoshlarin daryolar qilding
Boshingni egadi bir kun afsuslar.
Oq sutini oqla, unutma burching
G'ayrating borida ko'rsatgin kuching
Bu dunyo o'tkinchi, biz ketar mehmon
Onalar oldida pok bo'lsin qalbing.

DUO QILING ONAJON

Siz istagan qiz bo'lay
Duo qiling jonim onajon
Ko'kda yulduzlarga cho'milay
Duo qiling jonim onajon.
Ozod yurtni ozod qiziman
Vatanimni ertasi o'zim.
Orzuingiz aytgan so'ziman
Olov to'la bosgan har izim.
Maqsadimda baxtlar mujassam
Ko'zlarimda porlaydi quyosh
Duo qiling, onajon har dam
Men baxtlarga bo'laman yo'ldosh.

ONAJONIM ONASI

Munisginam mening, mushtiparimsiz,
Onalar ichida eng dilbarimsiz,
Bolam deya sochlarimiz taraysiz,
Doim bizni ko'nglimizga qaraysiz.
Siz mening farishtam buvijonimsiz,
Oyimsiz, yulduzim keng osmonimsiz,
Yo'limizni yoritasiz nur bo'lib,
Yuring doim sevib hamda sevilib.
Onajonim onasisiz yolg'izim,
Sizga atab yozdim dildagi so'zim,
Buvijon dunyo turguncha turing,
Barchamizga doimo boshchi bo'ling.

TAQDIRIMGA GULLAR TUTAMAN

Istiqloldan isib yuragim
Orzularga gullar tutaman
Shu Vatanga bordir keragim.
Taqdirimga gullar tutaman.

Ota-onam duosin olib
Cho'qqilarni ham zabt etaman.
Ajdodlarga munosib bo'lib
Taqdirimga gullar tutaman.

Niyatlarim tonglar kabi oq
Yurt tuprog'in ko'zga surtaman.
Kelajagimdan-ku ko'nnglim to'q
Taqdirimga gullar tutaman.

VATANIM

Vatanim yengilmas botirlaring bor,
Alisheru, Temur, Boburlaring bor.
Tarixing o'qisam faxrda dilim,
Senga jon berishga qodirlaring bor.

Vatanim osmondek bag'ri kengimsan,
Sen munis onamsan, shirin singlimsan.
Orzularim samolarni quchadi,
Mehru-muhabbatga to'la qalbimsan.

Vatanim joningni jonida o'zim,
Vatanim sharafu shonida o'zim.
O'zbekiston mening onajonimsan,
Bu mening yurakdan aytolgan so'zim!

QASHQADARYO

Senda bobo-momolarim hoklari bor,
Senda Temur bobom yetgan baxtlari bor,
Senda bugun kelajakning ahdlari bor,
Tuproq'ingni o'pay Qashqadaryo elim.
Senda yashar o'z ahdiga vafodorlar,
Senda yashar osmonlarcha nomus-orlar,
Istiqlolni kuylaridan bo'larman mast
Yurak chalganida avjli kuyin torlar.
Bu yurt go'zal jannatlarga singil asli,
Chiroylidir o'tayotgan to'rtta fasli,
Qashqadaryo mening ona maskanimdir
Yuragimga yaqin yashar doim qalbi.

SHUKUR QILAMAN

Boshim silagan qo'llar,
Meni baxt tomon yo'llar,
Mehrga to'la dillar,
Bunga shukur qilaman.
Yaxshilar dil ziyosi,
Diydor sog'inch shifosi,
Men yaxshilar gadosi,
Bunga shukur qilaman.
Otamdir iftixorim,
Onamdir nomus-orim,
Vatanim mening borim,
Bunga shukur qilaman.

O'RGILAYIN ONA YURTIM BO'YLARINGDAN

Amir Temur bobomning yurti o'zing,
Dunyolarga yetar bugun aytgan so'zing,
Kelajaging bo'lajakman nurli izing,
O'rgilayin ona yurtim bo'ylaringdan.
Bizlar seni qanotingmiz oppoq qushim,
Faqat senga, faqat senga dilda sevgim,
Sen onamsan va suyanchiq otam bildim,
O'rgilayin ona yurtim bo'ylaringdan.
Istiqloling yo'limizga sochadi gul,
Bu Vatanda baxtga yetar har bitta dil,
Yaxshilarni yo'lidan yur opa-singil,
O'rgilayin ona yurtim bo'ylaringdan.

QADRIGA YETING ONALARNING

Umr o'tar, soat, daqiqa damlar,
Goho kam, gohida ziyoda g'amlar,
Qadr nimaligin bilmay odamlar,
Qadriga yetinglar onajonlarning.
Kecha bola edik o'stirdi ona,
Bag'rimizni baxtga to'ldirdi ona,
Quvonchdan quvnatib kuldirdi ona,
Qadriga yetinglar onajonlarning.
Umr o'tar bizni aslo ayamay,
Bir soniya ko'nnglimizga qaramay,
Yashaylik do'st o'zimizni aldamay,
Qadriga yetinglar onajonlarni.

ALPOMISH AVLODLARIMIZ

Buyuklarning izidan borib
Buyuk Alpomishlar bo'laylik.
Vatan uchun, yurt uchun yashab
Ona xalqimizni seveylik.
Men ham shu el kelajagiman
Ishonchini oqlayman albat
O'zbekistonim yuragiman
Istiqlolim eng buyuk bir baxt.
Jannat yurtim boshda ko'tarib
Dunyolarga aytaman madhin.
Yovuzlik ko'ksidan itarib
Quvonchlardan kuylaydi baxtin.

OTAM, ONAM - JONDAN AZIZLARIM

Beshigim boshida allalar aytib
Hamisha bedorim bo'lgan onamsiz.
Yiqilsam qo'limdan tirgakdek tutib
Boshimni silagan tog'dek otamsiz.
Hoki poyingizni ko'zimga surtib
Qalbimni taxtiga o'tqazay sizni.
Sizlarni jonimdek jon kabi sevib
Poyingizga sochay oyu-yulduzni.
O, menga ertaklar suylagan onam
Baxtinga doimo bo'lingiz omon.
Mehrini baxtinga atagan otam
Yonimda bo'ling siz, doim, har qachon.

O'ZBEKISTONIM

Dunyolar ichida o'zingsan tanho,
Jannatlarga o'rtoq bog'u-bo'stonim.
Yuragimdan eshit kelar bir sado,
Onamdek azizsan O'zbekistonim.

Oppoq tonglaringda oq orzu o'zim
Yulduzlarga to'la tiniq osmonim.
Tingla satrlarda marjondek so'zim
Onamdek azizsan, O'zbekistonim.

Bosgan izlaringga izdosh bo'lib men
Ko'zimga surtaman olov tuprog'im.
Vatanim azizsan, mutabarsan chin
Onamdek azizsan, O'zbekistonim.

POSBONLAR

Alpomishdek she`r kelbatli
Vatanimni posbonlari.
Ular sabab hamma baxtli
Tiniq yurtim osmonlari.

Qo'rqmaydilar xatar havfdan
Vatan desa jonlar fido.
Qaytmaydilar sodiq ahddan
Yurt deb mayli bo'lsin ado.

Amir Temur avlodlari
Vatan deya yashaydilar.
Ozod qushning qanotlari
Yurt ishonchin oqlaydilar.

YASHASH BUNCHA GO'ZAL

Baralla dildagi qo'shiqni aytib
Yashash zavqini doim tuyaylik.
Go'zallik haqida ash'orlar bitib
Barchadan baxtliroq bo'lib yashaylik.
Insonning orzusi o'xshar bulutga
Oydin bu hayotni keling, sevaylik
Parvozim o'xshar go'yo bulutga
Barchadan baxtliroq bo'lib yashaylik.

BUVIJON

Sizni doim men sog'inaman,
Goho yig'lab-yig'lab olaman,
Buvijonim o'ringiz bo'm-bo'sh,
Sizsiz ayting nima qilaman?

Omonat ekan insonning joni
Qayerdasiz buvijon, qani
Erka nabirangiz sog'indi.
Diydoringiz eslab har kuni.

BOBOM(Cho'liyev Eli bobomga)

Bobo umringizda topdim men hikmat
Bobo hayotingiz barchaga ibrat.
Ketsangizda yorug' dunyodan o'tib
Sizni eslashadi yaxshilar har vaqt.
Qilgan savobingiz barcha tillarda
Yashaysiz ming yillar toza dillarda.
Qabringiz boshida duolar qilib
Sizni xazrat inson deya atarda.
Men ham sizdek yaxshi inson bo'laman
Ketsam ham dunyodan yashab yuraman.
Sizdek saxovatning yo'lidan borib
Toza yuraklardan duo olaman.

USTOZIMGA

Har qadamda izlarimda ko'rinasiz,
Qalbim bemor, tabibi siz bo'lasiz,
Baxtga eltar har so'zingiz menda ustoz,
Hali sizga olqish olib beray ustoz.

Sizni dedim-obod bo'ldim, gul bog'lardek,
Viqorlandim cho'qqisi baland tog'lardek,
Yuzingizda bo'lmayman ajin dog'lardek,
Hali sizga olqish olib beray ustoz.

Dil tubingiz nurga to'ldiraman o'zim,
Iymon degan durga to'ldiraman o'zim,
Qalbingizni gulga to'ldiraman o'zim,
Hali sizga olqish olib beray ustoz.

MUNDARIJA

Yagonamsan jonim O'zbekistonim.....	4
Chiroyisan Mahallot.....	5
Mahallam.....	6
O'zbekistonga.....	7
Qizingiz.....	7
Alvido dunyo demayman.....	8
Ona qadri.....	9
Duo qiling onajon.....	10
Onajonim onasi.....	11
Taqdirimga gullar tutaman.....	12
Vatanim.....	13
Qashqadaryo.....	14
Shukur qilaman.....	15
O'rgilayin ona yurtim bo`ylaringdan.....	16
Qadriga yeting onalami.....	17
Alpomish avlodlarimiz.....	18
Otam, onam jondan azizlarim.....	18
O'zbekistonim.....	19
Posbonlar.....	20
Yashash buncha go'zal.....	20
Buvijon.....	21
Bobom (Cho'liyev Eli bobomga).....	21
Ustozimga.....	22

ADABIY-BADIIY NASHR
Durdona ELIYEVA

ONAMGA O'XSHAYSAN VATAN
She'rlar

Muharrir: Dilorom Ziyatova
Texnik muharrir: Rohila Yuldasheva
Musahhih: Sojida Allayarova
Sahifalovchi: Zafar Maxsatov

Bosishga 30.12.2015 yil ruxsat etildi.

Bichimi 60x84 1/16 "Times New Roman " garniturasida.

Ofset bosma usulida bosildi. Nashr tabog'i 0,48.

Shartli bosma tabog'i 1.4.

Adadi 100 nusxa. 24 bet.

Buyurtma № 125 . Erkin narxda. Shartnoma № 23 01.12.2015.

"Qashqadaryo ko'zgusi OAV" nashriyoti. Nashriyot litsenziyasi
AI № 244.

180018, Qarshi shahri, Mustaqillik shoh ko'chasi, 22-uy.
tel: 223-09-09

"Qarshipoligraf-nashr" MCHJ bosmaxonasida chop etildi.
180018, Qarshi shahri, O'zbekiston ovozi gazetasi ko'chasi, 33-uy.